

上饒縣志卷五

學校

堯命契而教重焉虞夏商周之小學大學戴記最詳秦興學廢漢起大學而造士之法已不逮古北魏廟享聖人祭重教輕而法又一變立州縣學始于隋歷唐宋明祀典有加然而親臨幸廣恩禮頒經籍勤教育未有如國朝作人之盛者也饒學與邑俱建其成毀遷徙補葺增廣歷代不一按籍稽之源流井然司教者能體朝廷之意法安定胡氏分經義治事之條以教士日月刮磨以成有用之才為文亦必明道理通古制則真才出矣

府儒學

舊在府西北隅宋景德三年知府楊舉正遷于城東青陽楷

上饒縣志

卷五

學校

一

記慶曆四年州守張鑄拓而新之元豐五年判官鄭疊州守楊仲儒復加修葺孔武仲記學門舊向正南元祐間改東南與溪南諸峰相對南渡後改為館驛教授周之才請于州守復之自為記淳熙十年州守錢象祖重新王寧記紹熙五年教授林至按禮圖定位次朱子記嘉定端平間遞修增朱呂二陸祠考定朱子釋奠儀式何處恬陳文蔚記元至元甲申總管盧天祥復修鑄六經圖尋厄于火明洪武三年郡守蔣麟重建永樂訖景泰間同知郭紹郡守葉亨吳潤楊文奎姚堂相繼修葺李奎記天順間郡守金詵廣學基繼而同知蔣益成聚奎樓尊經閣張原貞記郡守謝士元闢射圃作觀德亭高明記成化二十年郡守邢正修張元楨記弘治八年郡守王塘重修正德庚辰提學

邵銳檄知縣周輅教授應魁督修仍舊制加飾大成殿居學之南兩廡翼其前環以戟門戟門前為泮池又前為櫺星門大門接櫺門之左中門接東廡之後是為奎星樓與大門皆東南向大成殿後為明倫堂旁列成德達材居仁由義四齋神庫附于西堂後為尊經閣閣左傍以南達中門為訓導廡再南抵外門為教授廡廡右則會膳堂宰牲房神厨禮樂二號在焉閣後為射圃觀德亭其西則射御二號列焉嗣是或圯或修漸不可考僅存大學士鄭以偉記崇禎初知府陳蓋捐造齋房增置學田建庫房以貯祭器書籍白為記明末兵燬

國朝順治初郡守張鳳儀

舊志作樂斯美

稍葺康熙七年守道李士

楨檄通判趙權重建明倫堂十一年知府高夢說增修鄭

上饒縣志

卷五

學校

二

日奎記甲寅兵燬十九年知府曹鼎望同知縣馬之驥重建四十七年郡守朱維熊重修五十六年郡守郭維筦重修雍正三年郡守佟鑿捐修

宗聖祠在明倫堂左乾隆六年郡守陳世增重建

名宦祠在學東祀楊光翼以下凡十七人

鄉賢祠在學東祀汪應辰以下凡十人

奎厘閣在學東乾隆八年知縣汪文麟移修吏員張玉煥治其事

聚奎樓明萬曆間同知蔣益建孫原貞記今廢

縣儒學

學在縣治西北武安坊宋淳熙間創于天津橋元季兵燬明洪武七年知縣林榮遷今所永樂初知縣趙景純增建會

饌堂思樂亭癸巳知縣葉廉加脩正統七年知縣謝琛重修景泰元年太守楊文奎構兩廡二年叅議夏時建石櫺星門三年太守姚堂重建殿廡暨講堂戟門儀門齋號倉庾官廨又新聖賢儀象增置進賢成德二坊闢天寧寺及千戶所隙地各五丈許營之副使韓□記天順間太守金銑復市寺地五畝益號房三十間購書數千卷藏于庫成化乙酉知縣任泰立奎星樓三間增學舍三十間御史高明有奎星樓記弘治初知縣張嶺仍而新之廓後堂三間易學舍為樓上下六十間又建文光坊于東衢正德三年知縣黃希英重建殿廡八年提學李夢陽命訓導張參增學舍十間丙子春知縣周輅廣明倫堂為五間翼以兩齋嘉靖甲辰太守林光祖鑄朱子忠孝廉節四大字于石置明倫堂左右隆慶四年署縣同知廖文光一新舊制葉鏜記萬曆六年知縣王炳璿以分司署在學之左門徑共由非禮乃撤前總門改建興文飭政坊徙奎星樓為學門向瑯琊峯楊時喬記崇禎間知縣翁竟成重新廟堂鄭以偉記堂東西為成德達材二齋北為後堂達材齋西南為號舍十間再南為號樓三十間成德齋北為教諭廨再北為訓導廨明末燬

國朝順治間郡守張鳳儀知縣郭永靜建大成殿知縣沈獅程汝璞繼創明倫堂旁覆六經圖康熙八年大雨雹殿折櫺星石門圯十一年太守高夢說捐修甲寅兵燬二十四年太守孫世昌重建三十四年署縣通判陳大純修之魯瑗記四十六年太守朱維熊知縣劉光祖再脩雍正八年

署縣通判沈東又加修補教諭舒濂捐建文昌祠及縣學頭門乾隆元年知縣陶士儂議建工方興以內陞去明年知縣程光鄂畢其事而自為記六年知縣汪文麟教諭明東陽訓導陳士弼復新泮池移櫺星門東西護以磚垣前列屏牆而諸祠則尚未修理也八年重修明倫堂增高其址并建諸祠復于學宮東首隙地建教諭公署前所未備與敝圯者今皆整飭焉邑庠紀耀昌程崧周文謨吏員張玉煥董其事

崇聖祠其先在明倫堂後乾隆八年知縣汪文麟遷建明倫堂左

明倫堂在學宮後乾隆八年知縣汪文麟重修

名宦祠在戟門左祀楊光翼盧天祥于大本徐中朱原貞姚上饒縣志

卷五

學校

四

堂曹琥胡甲桂高璜白潢凡十人

鄉賢祠在戟門右祀王貞白余堯弼王時敏陳文蔚余大雅婁謙婁諒楊時喬王建中鄭邦福王夢暘余桂萼凡十二人

忠義祠今移建崇聖祠左祀徐中行施師點徐元杰游志遜王自牧鄭雅王謙□芳楊時喬鄭以偉黃清鄭爾說凡十人

節孝祠今移建崇聖祠在祀王伯剛妻施氏鄭孔貫妻祝氏龔潤妻陳氏汪芳妻劉氏鄭贊妻團氏歐陽福祐妻朱氏周瑗妻葉氏王綵妻毛氏朱朝相妻周氏丁九臯妻魯氏鄭某妻徐氏葛人臨妻張氏王袞妻姜氏童士祺妻陳氏鄭某妻徐氏鄭三錫妻盧氏盧君儒妻翁氏凡十七人

文昌祠前在學宮東順治間防守康時昇建久廢雍正間教諭舒濂建于明倫堂後東偏亦廢乾隆八年知縣汪文麟建于明倫堂右
七龜亭在察院司前內有石碑七座負碑有霸下首七因名久廢

思樂亭明永集間知縣趙景純建久廢

魏姚二公祠在崇聖祠左共先魏祠在縣學左知縣李鴻為學訓魏公立姚祠邑諸生為學訓姚參立二祠久廢乾隆八年教諭明東陽捐俸建祠合祀今所

按魏公名字實行俱無可考而李鴻為之立祠又置田以祀姚公行事桂榮記載甚詳邑諸生建教思所祀之節推姚筐又為公冢子捐俸置田名其田曰姚祠校田是二公者義皆不可沒也今二祠久廢其學中所遺之田安知不即二公之田乃後人享其利而二公失其祀可乎學博捐俸合祀宜矣

學田

儒學學田原額一頃三十畝八分二厘五毫坐落本縣六都四十七都四十九都社林小黃沙庫前等處計租二百一十七石內除水推沙淤田四十五畝三分五毫實存熟田八十五畝五分二厘係孫吳兩姓產業于萬曆二十一年助入學內額係學役經收崇禎年間歸縣禮房經收自國朝定鼎兵燹之後佃逃田蕪至順治十一年召募開墾每石交穀六七斗遇災収二三分亦有全無交納者十四年奉文學田報部每石租穀折銀二錢計穀多寡照時價

易銀完正賦外餘穀存貯造冊報明 學憲易銀解賑貧生今查此田造入十二都二畝七甲趙士基戶田坐六都六十七都六十九都共一頃一十二畝五分二厘都分畝分與前不對疑有錯誤且入趙士基戶不知何故再查從前俱縣禮房經收除完正賦外每年易銀五兩解 學憲賑給其餘歲科兩試文生花紅并起送文生赴科花紅酒筵之費皆出其中例定何年亦無可考經收者累之雍正七年始移學經理解額支費如前

一學田坐落本縣三十五都一畝四甲計四十九畝七分七厘四毫此田無從考其由查舊志有姚祠校田畝分差似疑即此田也

上饒縣志

卷五

學校

六

一學田坐落本縣十三都一畝一甲計一十八畝二分三厘一毫此田由亦無考查舊志有明知縣李鴻置田以祀學訓魏公或近是

以上二項田租除錢漕外餘為春秋二祠之費

一學田坐落本縣五十九都土名佛墓山等處共租四石又塘一口園地三段兩學收管

一學地坐落本縣三十九都土名松嶺頭共園地四段兩學收管

一學地坐落鐘樓後園地一段兩學收管

一學地在學宮之後荒地一段未墾

歷代祀典并鉅典紀要

采郡志增入

漢高帝過魯始以太牢祀孔子平帝初追謚曰褒成宣尼公東漢先武起太學章帝幸魯祀闕里并祀七十二子于□

里隋制國學每歲四仲月上丁釋奠于先聖先師州縣學以春秋仲月上下釋奠至是始立州縣學奠用丁者取剛日也春宜釋菜秋宜釋奠此禮未分唐武德時詔國子學立周公孔子廟以周公為先聖孔子配享四時致祭至太宗貞觀從房元齡議始停周公升孔子為先聖顏子為先師復詔皇太子釋奠于國學而皇太子為初獻祭酒為亞獻司業為終獻後又遣祭酒為初獻司業為亞獻博士為終獻州縣學則以守令主祭上佐博士分獻十四年上幸國學釋奠畢命祭酒孔穎達講孝經賜帛有差此講書給紙之始後詔以左邱明卜子夏公羊高穀梁赤伏勝高堂生戴聖毛萇孔安國劉向鄭眾杜子春馬融盧植鄭玄服虔何休王肅王弼桂元凱范甯賈逵二十二人配享此先

宗以顏曾孔孟為四配升顓孫于十哲以邵堯夫司馬君實從祀仁宗朝以許衡從祀文宗朝又加封顏子為兗國復聖公曾子郈國宗聖公子思沂國述聖公孟子鄒國亞聖公以董仲舒從祀始加孔子父母封爵明太祖元年遣官祭告即位三年禮部更定祭器禮物十五年春上視學行釋菜禮十七年勅每月朔望祭酒以下行釋菜禮郡縣長以下諸學宮行香春秋二仲仍釋奠罷楊雄從祀正統以胡安國蔡沈真德秀吳澄從祀孝宗朝以楊時從祀世宗駕幸太學止輦門外九年從輔臣張璪議始改大成至聖文宣王為至聖先師孔子四配為復聖顏子宗聖曾子述聖子思亞聖孟子十哲以下凡及門稱先賢子左邱明以下稱先儒子易塑像為木主罷公伯寮秦冉顏何荀況

等十三人祀林放蘧瑗等七人祀于其鄉補先賢鄒單進先儒后蒼王通胡瑗歐陽修陸九淵從祀別立祠祀叔梁紇稱啟聖公以顏無繇曾點孔鯉孟孫氏配稱先賢周輔成程珦朱韋齊蔡元定從祀稱先儒祭享如正祀儀萬曆以李侗羅從彥從祀至明儒薛瑄以穆宗時入祀陳憲章胡居仁以神宗時入祀順治初年遣官祭告闕里二年帝幸太學行釋菜禮八年遣都御史劉昌詣闕里祭告加稱大成至聖文宣先師孔子康熙元年

帝視太學行釋菜禮七年遣光祿寺卿楊永寧諸闕里祭告十五年

詔賜先賢仲子嫡孫秉貞世襲五經博士十九年增賜先儒程子嫡孫世襲五經博士又以周子張子嫡孫世襲五經

博士二十一年遣都御史宋文理詣闕里祭告二十三年
帝東巡狩幸闕里以圜邱禮親祀孔子于大成殿奏咸和諸
樂

賜十哲兩廡先賢先儒嫡孫各世襲生員一名食九品俸
上復幸至聖墓瞻拜如禮二十六年

上勅禮臣修飭文廟禮制樂器令學宮習佾舞三十八年
帝東巡狩祭先聖于闕里翌日如墓祭拜如廟儀

詔以先賢閔子端木子嫡孫世襲五經博士又以先儒邵子
嫡孫世襲五經博士五十一年

詔以先賢言子嫡孫世襲五經博士又升朱子于十哲之次
五十三年

詔以宋儒范仲淹從祀雍正元年

上饒縣志

卷五

田校

九

首命追封孔子先世五代王爵將啟聖祠改為崇聖祠

命各學宮建忠義孝弟祠仍建節孝祠于學宮之外二年

命增定從祀先賢先儒復林放蘧瑗秦冉顏何鄭康成范甯

增縣廩牧皮樂正子公都子萬章公孫丑諸葛亮尹焞魏

了翁黃幹陳淳何基王伯趙復金履祥許謙陳澹羅欽順

蔡清并陸隴其增張廸入崇聖祠增仲弓伯牛子張有若

四家博士五年

諭直省內外逢先師誕辰齋戒一日

命諱孔子名加卍為邱乾隆初復吳澄于兩廡又升有子

千十哲之次

順治九年

御製卧碑文頒勒學宮康熙二十三年

御書萬世師表扁額頒懸大成殿三十八年
詔各學設樂器三十九年

御製 先師贊暨四配贊頒學勒石四十一年

御製訓飭士子文頒勒學宮四十三年

上以西征噶爾丹凱還 告成太學頒平定朔漠碑勒石學
宮

雍正三年

上臨雍講學命州縣人文盛處廣入大學額數有差准棚民
考試另額取進是年頒發禮樂圖籍四年

御書生民未有扁額頒懸學宮七年

上以西征羅卜藏丹津凱還 告成太學頒平定青海碑勒

石學宮冬十有二月

上饒縣志

卷五

學校

十

上以闕里新廟上梁前二日慶雲現出內府古器永遠奉獻

乾隆四年

御書與天地參扁額頒懸學宮六年頒發祭樂二器學宮陳

設八年頒發

文廟春秋二季樂章

春季樂章 夾鐘為宮倍應鐘起調

迎神 咸平

尺凡六五

尺上五六

凡六上五

尺上五五

大哉孔子 先學先知 與天地參 萬世之師

五上凡六

凡上尺五

凡六尺五

凡六凡尺

祥徵麟紱 韻答金縣 日月既揭 乾坤清夷

初獻 寧平

尺凡六五 上凡尺上 六凡上五 凡六五六

予懷明德 玉振金聲 生民未有 展也大成

五上尺五 六六五六 尺上凡尺 凡六凡尺

俎豆千古 春秋上丁 清酒既載 其香始升

亞獻 安平

尺凡六五 上五凡尺 上五凡六 五上五尺

式禮莫愆 升堂再獻 饗協鼗鏞 誠孚罍鬯

五五六六 凡尺上尺 上五凡六 五六凡尺

肅肅雍雍 饗髦斯彥 禮陶樂淑 相觀而善

終獻 景平

尺凡五六 上五凡六 五上凡尺 上五六凡

自古在昔 先民有作 皮弁祭菜 於論思樂

上饒縣志

卷五

學校

十一

五上尺五 凡上凡六 五五上尺 上五凡尺

惟天牖民 惟民時若 彝倫攸叙 至今木鐸

徹饌 咸平

尺凡六五 尺上尺五 凡尺五上 凡六凡尺

先師有言 祭則受福 四海鬻宮 疇敢不肅

五上尺五 凡六凡尺 五上凡尺 五六凡尺

禮成告徹 毋疏母瀆 樂自所生 中原有菽

送神 咸平

尺凡六五 上尺凡六 上五五上 凡六五六

鳧繹峩峩 洙泗洋洋 景行行止 流澤無疆

五上凡尺 尺上凡六 尺五尺上 凡六凡尺

聿昭祀事 祀事孔明 化我蒸民 育我膠庠

秋祭樂章 南呂為宮仲呂起調

迎神 咸平

六乙上尺 六凡尺上 乙上凡尺 六凡尺尺

大哉孔子 先覺先知 與天地參 萬世之師

尺凡乙上 乙凡六凡 乙上六尺 乙上乙六

祥徵麟紘 韻答金絲 日月既揭 乾坤清夷

初獻 寧平

六乙上尺 凡乙六凡 上乙凡尺 乙上尺上

予懷明德 玉振金聲 生民未有 展也大成

尺凡六尺 上上尺上 六凡乙六 乙上乙六

俎豆千古 春秋上丁 清酒既載 其香始升

亞獻 安平

上饒縣志

卷五

學校

十二

六乙上尺 凡尺乙六 凡尺乙上 尺凡尺六

式禮莫愆 升堂再獻 響協鼗鏞 誠孚壘甌

尺尺上上 乙六凡六 凡尺乙上 尺上乙六

肅肅雍雍 譽髦斯彥 禮陶樂淑 相觀而善

終獻 景平

六乙尺上 凡尺乙上 尺凡乙六 凡尺乙上

自古在昔 先民有作 皮弁祭菜 於論思樂

尺凡六尺 乙凡乙上 尺尺凡六 凡尺乙六

惟天牖民 惟聖時若 彝倫攸叙 至今木鐸

徹饌 咸平

六乙上尺 六凡六尺 乙六尺凡 乙上乙六

先師有言 祭則受福 四海鬯宮 疇敢不肅

尺凡六尺 乙上乙六 尺凡乙六 尺上乙六
禮成告徹 毋䟽毋瀆 樂所自生 中原有菽

送神 咸平

六乙上尺 凡上乙上 凡尺尺凡 乙上尺上

鳧繹峩峩 洙泗洋洋 景行行止 流澤無疆

尺凡乙六 六凡乙上 六尺六凡 乙上乙六

聿昭祀事 祀事孔明 化我蒸民 育我膠庠

祭品祭器定式

正位尊一酒盛 登一羹盛 大簋二稷盛 黍簋二梁盛 稻釶六羹二盛和

鹽一盛 魚一盛 籩八鹿盛 棗白栗餅黑菱餅 豆八菹盛 鹿青醢菹魚

兔醢芹菹 胷 脰三羊盛 筐一帛盛 爵三酒盛

四配位簋二稷盛 黍簋二梁盛 稻釶二羹和 籩八栗盛 脯 鹽 鱧 棗

上饒縣志 卷五 學校 十三

魚豆八免盛 芹魚菹 韭筍菹 醢鹿醢 脰二豕盛 羊筐一帛盛 爵三

酒盛

十哲位簋一黍盛 簋一稷盛 釶一羹和 籩四鹽鹿脯 豆四芹盛 鹿

脯兔盤一首盛 猪爵三酒盛 筐一帛盛

兩廡位簋一黍盛 簋一稷盛 籩四鹽鹿脯 栗豆四鹿盛 青菹兔芹菹 筐

三盛猪猪肉首二 爵三酒盛 筐一帛盛

崇聖位簋二稷盛 黍簋二梁盛 稻釶二羹和 籩八栗盛 榛魚鹿芡脯 棗

豆八菁菹 韭菹 芹鹿醢 兔魚菹 筍菹 脰二豕盛 羊爵三酒盛 筐一帛盛

文廟祭器

木祝版二座 磁登一個

磁彝二個 磁鼎十六個

磁毛血磬十六個 毛血銅盆二口

磁礪二十二個

磁簞六十一個

磁簋六十一個

磁香爐十八個

磁著罇八個

磁壘罇八個

磁爵五十四個

竹籩二百四十六個

木豆二百四十六個

木饌盤十六個

木俎二十架

木燭臺五十三對

紅綢幕幃八個

銅勺八個

錫盥盆二口

盥盆架二座

錫毛沙池二個

筐盒十八個

木牲盤十八個

木高照十六座

鐵燎爐二座

鐵庭燎八柱

鐵燎叉四把

供桌六張

上饒縣志

卷五

田校

十四

綢桌緯十八個

文廟樂器

大鼓一架

楹鼓一個

緞傘蓋一頂

應鼓一架

鼗鼓二架

搏拊二架

琴六張

琴桌六張

瑟二架

笙六攢

龍笛六枝

鳳簫二排

洞簫六枝

埙二盒

箎二枝

柷一座

敔一座

籥四十八枝

籥四十八枝

羽毛一百四十四枝

石磬十六面

銅鐘十六口

鐘磬架二座

象簡六塊

麾幡二座

旌節二座

干二塊

戚二座

書院

書院之名自宋而盛四大書院名顯天下究其始文翁治蜀以後皆不以廟為學也上饒自宋以來或諸賢講道之所没而因以祀之志士仰前徽而聚學焉或本名臣祠後世即此以課士或好義者特建書室教其族黨合在城在鄉共十餘所其規模不必盡巍敞然制小而義宏皆足以造就人士使之自修而移風易俗之道即寓其中蓋推廣立學之意而有以補其所不逮其裨于王化豈小耶今有久而圯者矣又或變為公所未圯而已没其名則興復改正皆在所急然而時勢所格未可猝辦也有志者心識之而事不及故詳記于冊以待其人之時有可為者

帶湖書院在府城北靈山外宋淳熙間辛棄疾讀書所因燬遷鉛山之期思鄉

道一書院宋程月巖建取孟子道一之義中設朱陸二先生像方虛谷有送胡雲峯赴道一書院山長詩

考省志補入

白石書院在縣治安輯鄉宋儒劉養浩讀書所其孫光因養浩逮事黃文肅公建書院祀朱文公井文肅嗣子朝任先後置田瞻來學者元義之旌其閭遺趾碑刻尚存今不可

考唯元聶義有記并詞

詳藝文

御書院在縣治北六都明遠鄉宋咸淳間吏部尚書徐直諒

上饒縣志

卷五

學校

十五

疏請祠其父工部侍郎忠愍公榘埜先生有薊溪周子正
碑記嘉靖三十八年知縣陳添祥重修提學副使王宗沐
為之記見祠堂

朱氏義學在溪南上墘明成化間里義士朱仲舒建以教族
里子弟之願學者御史蔣欽為之記尋圯子汝揚仕茶陵
歸復之尚書楊麟記今亦圯

聞講書院在府城西明嘉靖間貴溪大學士夏言致政歸以
賜金建祀朱子集諸生講學其中再起入都有懷聞講書
院詩後改為分守湖東道署今圯

忠禮書院在縣西城外明隆慶間詔復夏言原官知府錢濂
申請特祠

桂山書院在縣西五桂山明隆慶間湖東道尚德恒建置有

上饒縣志

卷五

學校

十六

學田後為餞送鄉試之所今廢

興賢書院在縣治東今不可考

曲江書院在府城外鍾靈橋南為知府張國禎祠康熙五十
一年知府周醇元葺為鍾靈講院延師主之召七邑士子
肄習焉大學士李光地學使魚鸞翔俱有記見藝文今改
為紫陽書院

社學四所明弘治間知府王塘建一在城隅元妙觀左一在
南隅祥符寺傍一在西隅官倉巷口一在東隅茶山橋西
今俱廢

親民社學在府前譙樓西明嘉靖間郡守江珍從教讀周尚
義議建之以訓學者萬曆間燬知縣劉伯輝又從教讀鄭
養才議重加修葺改為聖功堂撰銘勒碑勸示來學今廢

銘見藝文

射圃在府文廟後明成化間郡守謝士元建有觀德亭今廢
紫陽書院在城南黃金山麓初為曲江書院郡人為知府張
國楨作後知府周鎔元更名鍾靈以課士然少書舍難容
多士乾隆八年知府陳世增修葺而增廣之于堂之後山
作樓祀朱子于其上旁建學舍八十餘間因易今名自為
記而勒諸石巡撫陳弘謀扁曰共學適道記見藝文

上饒縣志卷五終

上饒縣志

卷五

學校

十七